

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

«-----» հունիսի 2011թ.

N----- -Ա

ՈՐՈՇՈՒՄ

**ՄԻԱՎՈՐՎԱԾ ԱԶԳԵՐԻ ԶԱՐԳԱՑՄԱՆ ԾՐԱԳՐԻ ՀԱՅԱՍՏԱՆՅԱՆ ԳՐԱՍԵՆՑԱԿԻ
«ԳԵՂԵՑԻԿ ԵՐԵՎԱՆ» ԾՐԱԳՐԻՆ ՄԱՍՆԱԿՑԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 33-րդ կետով.

Երևան քաղաքի ավագանին որոշում է.

1. Համաձայնություն տալ Միավորված Ազգերի Զարգացման Ծրագրի Հայաստանյան գրասենյակի «Գեղեցիկ Երևան» ծրագրին՝ համաձայն հավելվածի:
2. Առաջարկել Երևանի քաղաքապետին սահմանված կարգով ապահովել սույն որոշման 1-ին կետում նշված ծրագրի համաֆինանսավորումը:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

ՄԻԱՎՈՐՎԱԾ ԱԶԳԵՐԻ ԶԱՐԳԱՑՄԱՆ ԾՐԱԳՐԻ ՀԱՅԱՍՏԱՆՅԱՆ ԳՐԱՍԵՆՅԱԿԻ «ԳԵՂԵՑԻԿ ԵՐԵՎԱՆ» ԾՐԱԳՐԻՆ ՄԱՍՆԱԿՑԵԼՈՒ ՄԱՍԻՆ

Երևանի քաղաքապետի և Հայաստանում ՄԱԿ-ի մշտական համակարգող Դաֆինա Գերչևայի՝ փետրվարի 14-ին տեղի ունեցած հանդիպման արդյունքում ՄԱԶԾ Հայաստանյան գրասենյակի կողմից 01.03.2011թ. հ.Լ89/2011 գրությամբ ներկայացվեց համատեղ հետաքրքրություն հանդիսացող «Գեղեցիկ Երևան» ծրագրի իրականացման առաջարկ: Առաջարկը հավանության արժանացավ հասցեագրված բոլոր ստորաբաժանումների կողմից և արդյունքում առաջարկվեց համագործակցել կառույցի հետ «Գեղեցիկ Երևան» ծրագրի շուրջ:

ՄԱԶԾ Հայաստանյան գրասենյակի հետ տեղի ունեցած բանակցությունների արդյունքում ձեռք բերվեց նախնական պայմանավորվածություն «Գեղեցիկ Երևան» ծրագրի շրջանակներում կնքել պայմանագիր 2011-2012թթ. համար, որը նախատեսում է Երևան քաղաքում կանաչապատմանը և բակերի բարեկարգմանն ուղղված 184,8 մլն ՀՀ դրամ ընդհանուր արժողությամբ ծրագրի իրականացում, որի նախապայման է հավասար բաշխմամբ համաֆինանսավորումը: Վերջինս ենթադրում է Երևանի քաղաքապետարանի կողմից 2011թ. 27,72 մլն ՀՀ դրամի, իսկ 2012թ. 64,68 մլն ՀՀ դրամ գումար հատկացում ՄԱԶԾ-ի տնօրինությանը «Գեղեցիկ Երևան» ծրագրի իրականացման նպատակով:

Երևանի քաղաքապետի 25.05.2011թ. հ.02/9-12842h հանձնարարականի հիման վրա որոշվեց «Գեղեցիկ Երևան» ծրագրի հիմնական ուղղությունները, որոնք են՝ Երևան քաղաքի հուշարձանների նորոգումը և հարակից տարածքների բարեկարգումը, լուսավորության անցկացումը, ռոտզման ցանցի անցկացումը, քաղաքի բարեկարգման կարիք ունեցող շենքերի արտաքին տեսքի վերանորոգման աշխատանքները:

2011թ. համար առաջարկվել է հուշարձանների բարեկարգման՝ Ստեփան Շահումյանի արձանի և նրա հարակից տարածքի (հուշարձանների բարեկարգման համար 2011թ. բյուջեով նախատեսված է 20 մլն ՀՀ դրամ) և շենքերի արտաքին տեսքի վերանորոգման (2011թ. բյուջեով նախատեսված է 300 մլն ՀՀ դրամ) աշխատանքներ ընդհանուր 55.44 մլն ՀՀ դրամի՝ հաշվի առնելով ՄԱԶԾ-ի կողմից 27.72 մլն ՀՀ դրամ համաֆինանսավորումը:

2012թ. համար առաջարկվել է նախատեսել հուշարձանների բարեկարգման՝ Վարդան Մամիկոնյանի հուշարձանի և Եղիշե Չարենցի հուշահամալիրի պատվանդանների և նրա հարակից տարածքի բարեկարգման, լուսավորության, շենքերի անբարեկարգ ճակատների վերանորոգման (նաև ռոտզման ցանցի անցկացման) ընդհանուր 129.36 մլն ՀՀ դրամի նախատեսվող աշխատանքները, հաշվի առնելով ՄԱԶԾ-ի կողմից 64.68 մլն ՀՀ դրամ համաֆինանսավորումը:

Ծրագրի իրականացման արդյունքում վերոնշյալ ուղղություններով 184.8 մլն ՀՀ դրամ արժողությամբ աշխատանքները Երևանի քաղաքապետարանի համար կկազմի 92.4 մլն ՀՀ դրամ:

Տ Ե Ղ Ե Կ Ա Ն Ք

**«ՄԻԱՎՈՐՎԱԾ ԱԶԳԵՐԻ ԶԱՐԳԱՑՄԱՆ ԾՐԱԳՐԻ ՀԱՅԱՍՏԱՆՅԱՆ ԳՐԱՍԵՆՅԱԿԻ
«ԳԵՂԵՑԻԿ ԵՐԵՎԱՆ» ԾՐԱԳՐԻՆ ՄԱՍՆԱԿՑԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ
ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Միավորված Ազգերի Զարգացման Ծրագրի Հայաստանյան գրասենյակի «Գեղեցիկ Երևան» ծրագրին մասնակցելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

Տ Ե Ղ Ե Կ Ա Ն Ք

**«ՄԻԱՎՈՐՎԱԾ ԱԶԳԵՐԻ ԶԱՐԳԱՑՄԱՆ ԾՐԱԳՐԻ ՀԱՅԱՍՏԱՆՅԱՆ ԳՐԱՍԵՆՅԱԿԻ
«ԳԵՂԵՑԻԿ ԵՐԵՎԱՆ» ԾՐԱԳՐԻՆ ՄԱՍՆԱԿՑԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ
ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ
ՄԱՍԻՆ**

Երևան քաղաքի ավագանու «Միավորված Ազգերի Զարգացման Ծրագրի Հայաստանյան գրասենյակի «Գեղեցիկ Երևան» ծրագրին մասնակցելու մասին» որոշման նախագծի ընդունման կապակցությամբ Երևանի 2011թ. բյուջեում եկամուտների և ծախսերի էական փոփոխություն չի նախատեսվում:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

«__» հունիսի 2011թ. N ____ որոշման

«Գեղեցիկ Երևան» ծրագրի մասին

Երևան քաղաքը հարուստ է պատմական և մշակութային հուշարձաններով, ինչպես նաև մշակութային նշանակություն ունեցող շենքերով, որոնք ներկա դրությամբ բարեկարգման և վերանորոգման անհրաժեշտություն ունեն: Նշված խնդրի շրջանակներում Երևանի քաղաքապետարանը և ՄԱԶԾ Հայաստանյան գրասենյակը ձեռնամուխ են եղել համատեղ հետաքրքրություն հանդիսացող «Գեղեցիկ Երևան» ծրագրի շուրջ համագործակցությանը:

Նպատակը: Ծրագրի նպատակն է, համատեղ ֆինանսական միջոցների կիրառմամբ, Երևան քաղաքի զարգացման 2011թ. ծրագրով և/կամ 2012թ. նախատեսվող վատ վիճակում գտնվող հուշարձանների նորոգումը, ինչպես նաև հարակից տարածքների բարեկարգումը, արտաքին լուսավորության անցկացումը և շենքերի անբարեկարգ ճակատների վերանորոգումը:

Շահառուներ: Ծրագրի շահառուներն են քաղաքի բնակիչները, զբոսաշրջիկները:

Ծրագրի նկարագրությունը և բյուջեն: «Գեղեցիկ Երևան» ծրագիրը իրականացվելու է 2011-2012թթ., որը նախատեսում է Երևան 184,8 մլն. ՀՀ դրամ ընդհանուր արժողությամբ ծրագրի իրականացում՝ հավասար բաշխմամբ համաֆինանսավմամբ: Վերջինս ենթադրում է, որ Երևանի քաղաքապետարանը ՄԱԶԾ-ին համաֆինանսավորման հիմունքներով պատրաստական է հատկացնել գումար Ծրագրի իրականացման նպատակով: Այսինքն, քաղաքապետարանը 2011թ. ՄԱԶԾ-ի տնօրինությանը հատկացնելու է 27,72 մլն ՀՀ դրամ, իսկ 2012թ. 64,68 մլն ՀՀ դրամ գումար և հաշվի առնելով ՄԱԶԾ-ի նույնչափ հատկացումը ծրագրի իրականացման աշխատանքներին՝ 2011թ. կիրականացվի 55.44 մլն ՀՀ դրամ արժողությամբ ծրագիր, իսկ 2012թ.՝ 129.36 մլն ՀՀ դրամ արժողությամբ: Հատկացումից կատարվում է ծախսերի փոխհատուցում՝ այն անուղղակի ծախսերի դիմաց, որոնք կատարվել են ՄԱԶԾ կենտրոնական և հայաստանյան գրասենյակների կառույցների կողմից Կառավարման ընդհանուր աջակցության (ԿԸԱ) ծառայություններ մատուցելիս:

Ծրագրի շրջանակներում 2011թ. համար նախատեսվում է Ստ. Շահումյանի հուշարձանի պատվանդանի և նրա հարակից տարածքի բարեկարգման, ինչպես նաև քաղաքի տարբեր վարչական շրջաններում շենքերի արտաքին տեսքի վերանորոգման աշխատանքներ: Հաշվի առնելով, որ Երևան քաղաքի հուշարձանների նորոգման և հարակից տարածքների բարեկարգման աշխատանքների իրականացման համար

նախատեսված է 20 մլն ՀՀ դրամ, իսկ Երևան քաղաքի շենքերի ֆասադների վերանորոգման համար՝ 300 մլն ՀՀ դրամ, «Գեղեցիկ Երևան» ծրագրի իրականացման արդյունքում համապատասխան հողվածներով աշխատանքների իրականացման տնտեսում տեղի կունենա:

2012թ. համար նախատեսվում է Վարդան Մամիկոնյանի հուշարձանի և Եղիշե Չարենցի հուշահամալիրի պատվանդանների և նրանց հարակից տարածքների բարեկարգման, լուսավորության աշխատանքներ և տարբեր վարչական շրջաններում շենքերի արտաքին տեսքի վերանորոգման աշխատանքներ:

Ծրագրի ակնկալվող արդյունքն է Երևան քաղաքի արտաքին տեսքի բարելավում, որը անուղղակիորեն կնպաստի զբոսաշրջիկության զարգացմանը:

Ծրագիրը նախատեսում է աշխատանքային պլանի կազմում, որը կներառի հետևյալ քայլերը՝

Փուլ 1. Համատեղ խորհրդակցությամբ վերանորոգման ենթակա հուշարձաններ, հարակից տարածքում նախատեսվող աշխատանքների, քաղաքի տարբեր վարչական շրջաններում՝ արտաքին բարեկարգում պահանջող շենքերի հստակեցում և հաստատում, որոնց ընտրությունը կիրականցվի արտաքին բարեկարգման Երևանի քաղաքապետարանի որդեգրած առաջնահերթությունից ելնելով: Արդյունքում կկազմվի համապատասխան նախահաշիվ:

Փուլ 2. Առաջնահերթ աշխատանքների իրագործման ժամանակացույցի մշակում և իրագործում:

Փուլ 3. Մոնիտորինգ, գնահատում: Ծրագրի կենսափուլի ընթացքում ՄԱԶԾ-ն Երևանի քաղաքապետարանի հետ համատեղ կստեղծի մեխանիզմ, որպեսզի վերահսկի իրականացման գործընթացը և գնահատի դրա ձեռքբերումները:

Ծրագրի իրագործումը: Ծրագիրը անմիջականորեն կիրագործվի ՄԱԶԾ-ի կողմից՝ կիրառելով իր փորձը համայնքային զարգացման ոլորտում: Գեղեցիկ Երևան ծրագրի իրագործման սխեման պահանջում է պետական և մասնավոր գործակալությունների ցանցի համագործակցություն և ակտիվ աջակցություն: Ծրագրի ողջամիտ իրագործման հաջողությունն ապահովելու համար նախատեսվում է ստեղծել վերստուգող հանձնաժողով, որի անդամներ հանդես կգան Երևանի քաղաքապետարանը, ՄԱԶԾ-ն և այլ համապատասխան հաստատություններ: Վերստուգող հանձնաժողովը սկզբունքորեն կծառայի որպես միջգերատեսչական համակարգող մարմին, որը պարբերաբար հանդիպումներ կունենա, որպեսզի սահմանի միջամտությունների տարածքները, ինչպես նաև գնահատի առաջընթացը: Վերստուգող հանձնաժողովի իրավասությունները կամրագրվեն պայմանագրում:

ՄԱԶԾ-ի Հայաստանյան Գրասենյակը պատասխանատվություն է կրելու ֆինանսական և մարդկային ռեսուրսների կառավարման համար: ՄԱԶԾ-ն կունենա ընդհանուր պատասխանատվություն արտադրության արդյունքների և նախատեսված

գործունեությունների իրագործման համար: ՄԱԶԾ-ի ծրագրային գործունեության և պաշարների օգտագործման հաշվետվությունը ապահովելու համար կկիրառվի PRINCE2 ծրագրավորման և կառավարման մեթոդաբանությունը: ՄԱԶԾ-ի կառավարման ֆինանսական աղբյուրները նույնպես կենթարկվեն տարեկան աուդիտի՝ թափանցիկ և մրցակցային պրոցեսի միջոցով ՄԱԶԾ կողմից հաստատված աուդիտորի կողմից:

Պայմանագրի հիմնական դրույթները

- Քաղաքապետարանը ՄԱԶԾ-ի տնօրինությանն է հանձնում 92,4 մլն ՀՀ դրամի հատկացում, իսկ ՄԱԶԾ-ն ծրագրի իրականացման համար կատարում է 92,4 մլն ՀՀ դրամի հատկացում՝ պայմանագրով սահմանված ժամանակացույցով.
- Ըստ ՄԱԶԾ Գործադիր խորհրդի որոշումների եւ հրահանգների, որոնք արտացոլված են իր «Այլ աղբյուրներից ծախսերի փոխհատուցման քաղաքականության» մեջ, Հատկացումից կատարվում է ծախսերի փոխհատուցում այն անուղղակի ծախսերի դիմաց, որոնք կատարվել են ՄԱԶԾ կենտրոնական եւ հայաստանյան գրասենյակների կառույցների կողմից Կառավարման ընդհանուր աջակցության (ԿԸԱ) ծառայություններ մատուցելիս.
- Հատկացումը կառավարվում է ՄԱԶԾ-ի կողմից՝ համաձայն ՄԱԶԾ կանոնակարգերի, կանոնների եւ հրահանգների՝ կիրառելով ծրագրերի իրականացման համար նախատեսված ընդունված ընթացակարգերը.
- Ծրագրի ծախսերը եւ կառավարումը առաջնորդվում են ՄԱԶԾ կանոնակարգերով, կանոններով եւ հրահանգներով, եւ, անհրաժեշտության դեպքում, Իրականացնող գործընկերոջ կանոնակարգերով, կանոններով եւ հրահանգներով.
- Հատկացումը ենթակա է բացառապես ՄԱԶԾ ֆինանսական կանոնակարգերով, կանոններով եւ հրահանգներով նախատեսված ներքին եւ արտաքին աուդիտի ընթացակարգերին: ՄԱԶԾ-ն քաղաքապետարանի պահանջով տրամադրում է ֆինանսական եւ այլ հաշվետվություններ՝ պատրաստված ՄԱԶԾ հաշվետվական ընթացակարգերի համաձայն.
- ՄԱԶԾ-ն ծանուցում է քաղաքապետարանին, երբ հատկացմանն առնչվող բոլոր աշխատանքներն ավարտվում են.
- Երկու կողմերի միջև կայացած քննարկումներից հետո և պայմանով, որ հատկացման արդեն ստացված վճարումները ծրագրի տրամադրության տակ գտնվող այլ միջոցների հետ միասին բավարար են ծրագրի իրականացման ընթացքում ստանձնած հանձնառությունները եւ պարտավորություններն իրականացնելու համար, սույն Համաձայնագիրը կարող է դադարեցվել ՄԱԶԾ-ի կամ քաղաքապետարանի կողմից: Համաձայնագիրը դադարում է

գործել կողմերից որևէ մեկի՝ Համաձայնագիրը դադարեցնելու որոշման մասին մյուս կողմին համապատասխան ժամկետում գրավոր ծանուցելուց հետո.

- Անկախ Համաձայնագրի դադարեցումից, ՄԱԶԾ-ն շարունակում է տնօրինել հատկացման չօգտագործված վճարումները մինչև հատկացման միջոցով ֆինանսավորված աշխատանքներն իրականացնելիս առաջացած բոլոր հանձնառությունների եւ պարտավորությունների բավարարումը եւ այդ աշխատանքների պատշաճ եզրափակումը: